

## Egei Polha Filemonkōu Nalāma Neī

### *Tawale Tq*

Polhā didiō mosokōu dalali, o Filemonkōu kuguo koŋu kuhe nalāma neī. Filemonbe Klesukōu damaleyodei o. Haba tabe, ɛme bose. Ɛme bi sūdo dala. Ɛ sabe Kolosi. Polhā kuguo koŋu nalāibe, mōu yoŋuwa nalālī mei. Polhāge Filemonhā fisimōu dabai degedi o Onesimus, sa Romkōu kama fou kahā hagi kē dōsusulamōu kuhe nalāma neī.

Keme kōu gue, Onesimus ɛ Romkōu ile, Pol duguomōu, ɛ fi boholōu mōu, Hiye O Yesukōu damaleyodei. Dalamōu, habage Polhāge ɛme Filimonkōu boholōu mā iyede tobou. Kege tobōu mōu, Onesimushā boholōu mā ilamōu degeimōu, Polhā kuguo koŋu malā iyedema nalāma neī. Kegeligī, Filimonhāge ɛ dabai degedi o, kōu kama fou kahā degeimōu hebe kasagaj kē neīye domōu kuhe nalāma neī.

Kegemōu, Onesimushā kuguo nalāj koŋu kuhe malā i.

Kuguo Filemon koŋumahā sibige kahā widio tq hiyebe tanōu feī dala.

**O Filemonh̄a fisimōu dabai\*  
degedi o ta kama fou. Sulugi,  
Kelesukōu damaleyodeimōu,  
Polh̄a tobōu mōu, e bose  
Filemonkōu boholōu mā i**

<sup>1</sup> Āme Pol. Ā Yesu Kelesuh̄a dabai degedi kah̄a degemōu, āme didiō degei dala. Da mogo, o Timoti, ele kuguo koŋu Filemon namokōu nalama nel̄i kuh̄e. N̄ame ele mogodo, dibe dabai tanōu degele idi.

<sup>2</sup> Elebōu de dabai neleđo dege degedi o Arkipushōu, sasai Apiabōu, haba damaleyodele i o sasai, ne mosokōu kefegulo idi olōu fei kediamokōu bōu de, Timoti ele agali bolofejyode tobolōu kuh̄e.

<sup>3</sup> Di Aye Godibōu, di Hiye O Yesu Kelesubōu dilie nimokōu habagugueiba, n̄ime bologuado dalamabadomōu.

*O Filemonh̄a midih̄o bolonōu milōu di kah̄a,  
Pol e hoh̄o degei*

<sup>4</sup> Age mā Godikōu dih̄o baga tobolōu gibe, namokōu ne fimamōu, Godikōu bolofejyode tobōu di.

<sup>5</sup> Yobe, ā o sasaiye tobolōu imōu dudibe, n̄ame Hiye O Yesukōu damaleyodema, Godih̄a o sasai

---

\* **1: (Widio ta hiye) Fisimōu dabai**degedi o keme sele dabai degediyo mei. O kegei keme o tae fisimōu dabai mōu yoŋuwa degedi.

kedīamokōu solōu do degediyode tobolōu imōu dudi kahā degeimōu.

<sup>6</sup> Da mogo degema, Kelesukōu damaleyodemamōu, a Godikōu dihō бага tobolōu be, bi bolodo, Kelesuhā dimokōu nēdi ke nane tawayadomōu kuhe dihō бага tobolōu.

<sup>7</sup> Mā mogo, nā Godihā o sasaī kedīamokōu solōu do degedi kahāge a dedeī sagimōu, hohō dege dala. Yobe, nā degeiye, diane hohō dege dalagua kahā degeimōu.

*O Onesimus ē bohōlōu mā ile folouba, Filemonhā mogo dege wolōu dalayedei*

<sup>8</sup> Ā tagalibe, nane midihō daga ta a Kelesuhā huya ke fisiba degeyede tobōu lamōu degeliye,

<sup>9</sup> kenōu si dabe mogodo kahā degemōu, a amafeinōu tobōu ladi. Pol āme Yesu Kelesuhā dabai degemōu haguabe demōu, ifi dabai ke degedi kahā, ho o kediā a tolōu mōu didiō degei dala.

<sup>10</sup> Didiō degei dalamōu, Onesimus ē hagua feleimōu, a Kelesukōu damaleyodei midihō ke emokōu hehegieimōu, ene damaleyodema dala kahā degeimōu, eme mā dihi degei. Mogo, nā mā dihi ē ile, namokōu foloubabe, nage midihō bolodo kenōu hegi.

<sup>11</sup> Damaledo, afuge eme nē dabai bōu basianōu degediye, kenōu si ifi a dugulube, mā dabaibōu

ne dabaibou de bologuado degelamou degeimou dugulu.\*

<sup>12</sup> Onesimus eme a tobou mou namokou boholou ma iladi kehe. Kenou si ma fibe ebou de dalaba ile.

<sup>13</sup> Ame ta uwo bolofej hehegiedi kaha dowoye didio degei kaha degeimou, age eme abou de dalali, ne timou malaba, a dogou gulo ke tagali.

<sup>14</sup> Kenou si age nabukou boloyode tobou ba hobou kuhe degelamou. Age na amokou midihog bolog ta milou yedema ta fisile tobolou mei. Noou tagaiya kenou milou ga.

<sup>15</sup> Damaledo, Onesimusha na tou fogou ile, huyadefej ahudo delei kaha yobe kou gue, na e boholou mooubabe, e nabou denou dalale sa degei.

<sup>16</sup> Eme kou ne fisimou dabai degedi o keheye, kenou si eme Hiye Okou damaleyodema dala kaha degeimou, nage eme ne mogodo degeba dalama. Eme ma mogo kou degeiye, kenou si e ile, namokou foloubabe, eme ne dabai degedi o bolodo degeba, haba Hiye Okou damaleyodei kaha, nage eme ne mogodo degeba dalama.

<sup>17</sup> Dabe mogodo kaha degemou, a namokou ile folouba na amokou hohog degele sagaj kenou tefe, Onesimus e namokou ile foloubabe, nage emokou nebe kenou tefe hohog dege.

---

\* **1:11 1:11** Grik taege, hu Onesimus kaha sibigebe, *dabai bologuado degediyodili.*

18 E n̄amokōu bōu basia ta degei deba, haba n̄e bi ta ulu m̄ou debane, kegei kaha dowo keme a n̄amokōu nele.

19 Pol age ta huyadefei koŋume mayoŋu ma dobogoŋuyeye nalolu kuhe. Onesimusha n̄e bi ta ulu m̄ou debabe kaha dowo keme a n̄amokōu nele. Nane amokōu bi ta ulu m̄ou. Bi keme noŋu n̄e fi, kenou si age kegei kebou tobou lamou degeiyo mei.

20 Mogo, a Hiye Oha huya ke nage a tagale sagai kenou degededili. Dabe Kelesukou damaleyodele i o kaha degeimou, nage a hoho degele sagai kenou dege.

21 A tewe, a n̄amokōu degededili keme nage degele kaha degeimou, a kuguo koŋu n̄amokōu nalolu kuhe. A tewe, a na degededili koŋume na bologuado degele.

22 A ta haba ta dala. Ne mosokou be a tiale timou ta doussusu. Yobe, ni diho baga tobou ba, Godiha duloba, a dogou guba, a nimokou ile, nibou de dalale kaha degeimou.

*Polbou de dabai tanou degele idi o kedia Filemonkou agali bolofeyodele i*

23 O Epafra e n̄amokōu agali bolofeyode tobolou kuhe. Ene abou de didio degei dala, Yesu Kelesuha dabai degedi kaha degemou.

24 Abou de dabai tanou degele idi o Makbou, Aristarkusbou, Demasbou, Lukbou diane olou fei n̄amokōu agali bolofeyode tobolou ili.

25 Hiye O Yesu Kelesuha habagugueibe ni duledu ni fibou de dalale.

**Konai**  
**Konai: Godihā Tā Bolofei New Testament**  
**Nupela Testamen long tokples Konai long Niugini**  
copyright © 2014 Wycliffe Bible Translators, Inc.

Language: Konai

Contributor: Wycliffe Bible Translators, Inc.

All rights reserved.

2025-05-08

---

PDF generated using Haiola and XeLaTeX on 7 May 2025 from source files  
dated 8 May 2025

8c47cab8-fc6e-524e-936f-c52eba70db94